

Datum: 26.08.2014.godine

ZAPISNIK

IX sjednice Skupštine „TRA“ d.o.o-Agencije za razvoj općine Tešanj

Zapisnik vodio: Muhamed Džihić

Prisutni članovi Skupštine Agencije TRA :

1. Hamzalija Hojkurić, dipl.ekonomista
2. Emina Šišić, ekonomista
3. Kanita Gredelj, dipl. pravnik

Prisutni :

1. Ismar Alagić direktor Agencije TRA

Sjednica Nadzornog odbora „TRA“ d.o.o-Agencije za razvoj općine Tešanj, održana je u četvrtak 21.08.2014.godine, sa početkom u 10:00 sati u kancelariji Agencije za razvoj općine Tešanj sa predloženim slijedećim tačkama dnevnog reda:

- 1. Razmatranje projekta Podizanje zasada malina na području općine Tešanj i izdavanje odobrenja direktoru TRA Agencije da potpiše ugovor o implementaciji projekta sa donatorom**
- 2. Razno**

Predsjednik Skupštine Agencije g-din. Hamzalija Hojkurić daje na raspravu predloženi dnevni red za devetu sjednicu Skupštine Agencije TRA. Članovi Nadzornog odbora jednoglasno su prihvatili prijedlog dnevnog reda devete sjednicu Skupštine Agencije TRA.

Ad 1.

Uz poziv za devetu sjednicu Skupštine TRA dostavljena je informacija o aktivnostima na pregovorima sa donatorom u vezi projekta Podizanja zasada maline zajedno sa ugovorom sa donatorom, projektnom aplikacijom sa budžetom i ostalim popratnim dokumentima.

Predsjednik Skupštine TRA g-din. Hamzalija Hojkurić prvi je započeo raspravu na prvu tačku dnevnog reda: **Razmatranje projekta Podizanje zasada malina na području općine Tešanj i izdavanje odobrenja direktoru TRA Agencije da potpiše ugovor o implementaciji projekta sa donatorom** i zatražio od direktora Agencije gosp. Ismara Alagića da iznese detalje i aktivnosti vezane za projekat koje su prethodile ugovaranju potpisa ugovora sa donatorom.

Direktor Agencije je predstavio projekat kao i cijeli tok aktivnosti i komunikacije sa donatorom do ugovaranja i zakazivanja datuma potpisivanja ugovora koji dogovoren isti dan u novoj Sali općinskog vijeća. Spomenuo je također da je o projektu upoznat i Nadzorni odbor TRA i Općinski načelnik i da su oni dali saglasnost i podršku projektu. Također je naveo da kada je u pitanju projekat da je riječ o dobro koncipiranom i održivom projektu na kojem se od Agencije TRA i općine Tešanj ne traži sufinansiranje.

Predsjednik Skupštine TRA g-din. Hamzalija Hojkurić je načelno izrazio podršku projektu, pohvalio angažman Agencije i iznio sljedeće komentare:

- Velik procenat od vrijednosti projekta ide na materijalne troškove i plate agronoma zbog čega se umanjuju sredstva za direktne korisnike,
- Uzgoj malina je osjetljiva i dosta rizična grana poljoprivrede a u prethodnom periodu je bilo i loše iskustvo na sličnom projektu, stoga je potrebno vrlo pažljivo i dobro izvršiti odabir

korisnika kako bi se sredstva dodijelila onima koji će se posvetiti poslu i ostvarili najbolje moguće rezultate,

- Mora se kroz ugovor sa svakim korisnikom definisati način povrata uložениh sredstava, raspodjela te dobiti i način daljeg utroška akumuliranih sredstava. Uraditi sve da se profesionalno implementuje projekat i da se očuva kredibilitet Agencije za razvoj kao implementatora.

Nakon Hamzalijinih komentara za riječ se javila Kanita Gredeļ i istakla da ugovor sa donatorom generalno definiše odnos implementatora i donatora kao ugovorne strane i da predstavlja samo okvirne obaveze i odgovornosti. U cilju što jasnijih odnosa i obaveza između donatora, implementatora i korisnik mora se:

- Detaljno i vrlo pažljivo definisati kriteriji za odabir korisnika i dodjelu sredstava i maksimalno voditi računa o obavezama i dužnostima ugovornih strana,
- Ugovor sa korisnicima detaljno koncipirati da se zna da sredstva koja se izdoje nisu bespovratna,
- Definirati u ugovoru ko će biti zadužen za organizaciju otkupa jer se to ne vidi u ugovoru sa donatorom.

Nakon kanitinih prijedloga i komentara za riječ se javila i g. Emina Šišić i zatražila informacije o visini prihoda količinski i novčano po dunumu zasada malina i koliko je godina potrebno svakoj porodici pojedinačno da vrate uložena sredstva. Napomenula je također i da je potrebno precizno definisati uslove dodjele sredstava i da se dobro procijeni sposobnost i zainteresovanost korisnika. Na sugestije g. Emine i Kanita je dodala da se za izradu i usvajanje kriterija uključe dodatne kompetentne osobe koje imaju iskustva u ovom vidu proizvodnje.

Nakon sugestija i komentara predsjednika Skupštine TRA i članova direktor Agencije g. Ismar Alagić je zahvalio na preporukama i korisnim savjetima i prihvatio da navedene preporuke budu uvažene i primjenjene u daljnjem procesu implementacije projekta.

Nije bilo dodatnih komentara i preporuka te su predsjednik i članovi Skupštine jednoglasno donose:

ODLUKU

kojom se odobrava i daje saglasnost direktoru Agencije TRA, g. Ismaru Alagiću da potpiše ugovor sa donatorom za implementaciju projekta Podizanje zasada maline na području općine Tešanj.

Ad 2.

Pod tačkom „Razno“ direktor Agencije je članove Skupštine TRA informisao o komunikaciji sa predstavnicima delegacije Europske unije iz Sarajeva koji su zatražili dodatna pojašnjenja vezano za projekat COBEAR koji je bio na rezervnoj listi a koji se razmatra kako bi bio odobren i pripremljen ugovor čime bi i formalno bila započeta njegova implementacija.

Sjednica Skupštine TRA je završena u 11 sati i 10 minuta.

Zapisničar :

Mr. Sc. Muahamed Džihić

Predsjednik Skupštine TRA

Hamzaliya Hojkurić, dipl. oec.

Dostavljeno:

Članovi Skupštine TRA x3
Arhiva